




REPUBLIKA E KOSOVËS
REPUBLICA KOSOVA
KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljenje za Opštu Upravu

-III- Nr. i prot. 2159 Më 03.07.2020
Br. prot. Dt. 03.07.2020
RAHOVEC - ORAHOVAC

REPUBLIKA E KOSOVËS/ REPUBLICA KOSOVA/ REPUBLIC OF KOSOVO

KOMUNA E RAHOVECIT/ OPŠTINA ORAHOVAC/ MUNICIPALITY OF RAHOVEC



RAPORT GJASHTËMUJOR I PUNËS

JANAR – QERSHOR 2020

*Që nga marrja e përgjegjësisë për të drejtuar Komunën e Rahovecit,
Unë personalisht dhe bashkëpuntorët e mi jemi duke punuar me ritëm të shtuar dhe orar të
zgjatur për të zgjidhur sa më shumë probleme, për të realizuar sa më shumë investime publike
që rrisin cilësinë dhe mirëqenien e përgjithshme si dhe për të avancuar sa më shumë shërbimet
komunale ndaj qytetarëve.*

- Smajl Latifi -
Kryetar i Komunës së Rahovecit

KRYETARI I KOMUNËS

Fjala hyrëse

Qytetarë të komunës së Rahovecit,

Bazuar në Ligjin për Vetëqeverisje Lokale Nr.03/L-040 dhe Statutin e Komunës së Rahovecit Nr.1005 i datës 29.03.2017, si dhe në Planin e Punës së Kryetarit të Komunës dhe Qeverisë Komunale 2020, kemi kënaqësinë të paraqesim para jush raportin gjashtëmuor për punët, angazhimet dhe arritjet e Komunës së Rahovecit për periudhën: janar – qershor 2020.

Raporti pasqyron të gjitha aktivitetet dhe angazhimet e drejtorive komunale në Komunën e Rahovecit si dhe njësive të cilat veprojnë në kuadër të Zyrës së Kryetarit të Komunës së Rahovecit, njëkohësisht reflekton angazhimin dhe rezultatet e shënuara në këtë periudhë.

Ky raport gjithëpërfshirës ka për qëllim të nënvizojë, progresin e arritur në realizimin e prioritetëve të Komunës dhe ka si pikë reference Programin e Qeverisë Komunale.

Jemi angazhuar fuqishëm që të arrijmë nivel më të lartë të transparencës komunale dhe në vazhdimësi jemi përkujdesur që praktikat më të avancuara demokratike, të aplikohen gjatë vendimmarrjes në Qeverinë Komunale. Raporti gjashtëmuor i punës është mjet i komunikimit i të arriturave të pushtetit lokal, përkushtimit, angazhimit dhe vendosmërisë së treguar, në përmbushjen e detyrave dhe obligimeve me qëllim të rritjes së mirëqenies së qytetarëve të Komunës së Rahovecit.

DREJTORIA PËR SHËRBIME PUBLIKE

Drejtoria për Shërbime Publike, në bazë të Statutit të Komunës së Rahovecit dhe rregulloreve në fuqi, Planit të Punës për vitin 2020, përkundër sfidave dhe vështirësive ka përfunduar me sukses një sërë projektsh dhe ka realizuar një mori aktivitetsh përgjatë kësaj periudhe gjashtëmuore. Në vazhdim DSHP ka raportuar për aktivitetet kryesore që kanë ndodhur gjatë kësaj periudhe.

Aktivitetet në periudhën: janar, shkurt, mars

- Sipas planit të prokurimit të dorëzuar (Dhjetor 2019) dhe draftplanit të dorëzuar gjatë muajit shkurt 2020, DSHP ka filluar të respektojë datat e dhëna në planifikim, dhe ka përgatitur gjatë muajit janar, dy projekte:
 - Projektin për furnizim me gypa nga PVC;
 - Projektin për intervenime emergjente;

c). Projektin për investime dhe mirëmbajtje të hapësirave publike.

- Gjate muajit janar, kemi lidhur kontratën me dy kompanitë e kontraktuara nga Komuna e Rahovecit, në menaxhimin sa më të mirë të mirëmbajtjes së rrugëve dimërore;
- Është nënshkruar marrëveshje me UNDP për vazhdimin e projektit të rrjetit të kanalizimit në Kramovik, është përgatitur edhe projekti detal;
- Kanë vazhduar punimet në projektet infrastrukturore, projekti i rrjetit të kanalizimit po vazhdon në fshatin Potoqan i Epërm, është përfunduar një segment i rrjetit të kanalizimit në rrugën "Agim", po vazhdon puna në kubëzimin e rrugëve në Xërxë dhe në Çifllak, në kuadër të projektit me zyrën komunale për komunitete;
- Në projektin e rrugës 4 korsi, Lot 3 ka filluar aktiviteti me piketimin e trasesë së rrugës, ku ka identifikuar pengesat;
- Kemi nënshkruar marrëveshje me IOM-in për programin projekte me bashkëfinancim;
- Kanë vazhduar punimet në projektet infrastrukturore, projekti i rrjetit të kanalizimit po vazhdon në Dobidol, sipas kontratës;
- Në muajin janar kanë vazhduar punimet në rrugën Xërxë-Sapniq-Ratkoc, është duke u bërë përgatitja e nënbazës me zhavorr dhe elemente të tjera përcjellëse;
- Në muajin janar kanë vazhduar punimet në ndërtimin e trotuarëve në Ratkoc;
- Është mbajtur një takim i grupit punues rreth tarifave komunale sipas rregullores së unifikuar nga departamentet ligjore të të gjithë komunave të Kosovës;
- Është mbajtur një takim i bordit të ndërmarrjes publike lokale në Stacion të Autobusëve lidhur me regjistrimin e ri të ndërmarrjes dhe hapat se si duhet të lirohet një pozitë e një anëtarit të bordit për shkak të procedurave;
- Është mbajtur një takim me përfaqësues të UNMIK-ut, lidhur me mbështetjen e projektit të kamerave në qytet, ky grand është i fituar dhe janë bërë matjet dhe piketimi i kamerave në qytet, nga UNOPS dhe UNMIKU;
- Gjatë kësaj periudhe ka pasur aktivitete në terren, ku tashmë zyrtarisht është lëshuar uji i pijshëm për fshatin Pastasel, punët nga ana e komunës janë përfunduar, mbetet tek KRU Gjakova-mirëmbajtja dhe furnizimi i rregullt;
- Gjatë muajit shkurt kemi mbajtur një takim me Kryeshefin ekzekutiv, duke diskutuar shumë çështje rreth projekteve, është dhënë pëlqim nga ana e komunës për investime në Xërxë, duke instaluar gypat e rinj të ujit të pijshëm;
- Drejtoria e Shërbimeve Publike, përveç përgatitjes së disa projekteve në infrastrukturë publike, ka filluar shpalljen e procedurave të prokurimit për projektin investime dhe mirëmbajtja e hapësirave publike;
- Gjatë muajit Mars kanë vazhduar punimet në segmentin e rrugës Rahovec-Potoqan i Poshtëm;
- Po vazhdon ndërtimi i trotuarëve në Ratkoc dhe në Opterushë;
- Më 12 mars 2020, kemi përuruar së bashku me zyrtarë të ujësjellësit ujin e pijshëm në Pastasel;
- Pas situatës së krijuar me virusin korona, gjatës muajit mars kemi angazhuar masa shtesë kundër virusit COVID-19, në pastrimin e qytetit dhe fshatrave, në larjen e rrugëve si dhe në heqjen e mbeturinave inerte.

Aktivitetet në periudhën: prill, maj, qershor

- Gjatë muajit prill, janë përfunduar të gjitha lëndët në intranet, sipas afateve të dërguara në Drejtori;
- Kanë vazhduar punimet në projektet infrastrukturore, projekti i rrjetit të kanalizimit ka përfunduar në fshatin Dabidol, është përfunduar në fshatin Krushë e Madhe dy segmente, dy segmente janë përfunduar në Opterushë, po vazhdon në Fortesë e kështu me radhë;
- Kanë vazhduar punimet në rrugën Xërxë-Sapniq-Ratkoc, duke u bërë përgatitja e nën bazës me zhavorr dhe elementeve tjera përcjellëse;
- Kanë vazhduar punimet në ndërtimin e rrugës Rahovec-Hamoc-Fortesë;
- Vazhdojnë punimet në ndërtimin e rrugës 4 korsi Rahovec-Xërxë, Loto 1, Loto 2 dhe Loto 3;
- Pas situatës së krijuar gjatës javës së shkuar kundër virusit COVID-19, se bashku me stafin e drejtorisë po përgatitemi ti përfillemi rekomandimet e dalura nga shtabi emergjent në komunë, pas kësaj situatë janë marruar disa masa në drejtim të pastrimit të qytetit dhe fshatrave, në larjen e rrugëve si dhe në heqjen e mbeturinave të vëllimshme,
- Është bërë larja dhe dezinfektimi i rrugëve në qytet gjatë vikendit,
- Kanë vazhduar punimet në projektet infrastrukturore, po vazhdon shtrirja e rrjetit të ri të kanalizimit në fshatin Xërxë në lagjen "Kryeziu" dhe në lagjen "Hamza" në Rahovec,
- Në këtë periudhë kanë vazhduar punimet në ndërtimin e rrugës Rahovec-Hamoc-Fortesë, është duke u punuar në segmentin e dytë nga Rahoveci në drejtim të Brestocit, jemi në fazën e instalimit të infrastrukturës nëntokësore, në ndërtimin e mureve mbrojtëse, ujit të pijshëm, kanalizimit, etj.
- Kemi filluar me mirëmbajtjen e hapësirave publike në fshat dhe qytet, është dhënë rekomandim që deri me 23 maj të përfundojë faza e parë e pastrimit të të gjithë hapësirave publike;
- Po vazhdon ndriçimi publik, kemi filluar me Rahovec, me tre segmente në Krushë të Madhe, me 5 segmente në Malësi të Vogël dhe po ashtu do të vazhdojmë sipas planit të hartuar nga DSHP;
- Po ashtu jemi në fazën e përgatitjes së projektit të ndërtimit të rrugëve në tërë territorin e komunës së Rahovecit, përveç kësaj komuna e Rahovecit ka bërë aplikimin në thirrjet për grande në Infrastrukturë në tre projekte infrastrukturore;
- Janë duke vazhduar punimet në projektet infrastrukturore, po vazhdon shtrirja e rrjetit të ri të kanalizimit në fshatin Bratatin dhe në fshatin Ratkoc, është ndërprerë në fshatin Xërxë në lagje Kryeziu për shkak problemeve pronësore;
- Po ashtu jemi në fazën e përgatitjes së projektit të ndërtimit të rrugëve në tërë territorin e komunës së Rahovecit, përveç kësaj komuna e Rahovecit ka përfutur në dy grande në Infrastrukturë (në rregullimin e stacionit të autobusëve dhe infrastrukturës përcjellëse dhe rregullimin e rrugës në Zaqishtë);
- Është bërë rehabilitimi i rrugëve në qytet, janë asfaltuar dy segmente rrugore në qytet;
- Ka filluar puna në projektin krijimi i parkingjeve të reja në qytet, jemi duke vendosur gypin e ujit atmosferik në rrugën Gëzim Mullabazi si dhe është përfunduar puna;
- Ka pasur një telashe për çështjen e ujit të pijshëm në Patasel, është gjetur deformimi i gypit, ku shpresojmë që të punojnë KRU Gjakova në këtë drejtim që mos të kemi ankesa për ujë të pijshëm;
- Ka vazhduar puna në shpërndarjen e gypave nga PVC sipas kontratës;

- Po ashtu jemi në procedurë të detyrave projektuese për ndërtimin e kanalit të ujërave atmosferik në qytet, pas takimit që kemi mbajtur me inxhinier të komunës sonë, janë bërë matjet gjeodezike dhe shumë shpejt do të projektohet kanali për trajtimin e ujërave në qytet;
- Parapërgatitje për KAB-in komunal (drafti i parë), si dhe kemi dërguar në qeveri të Kosovës një mori kërkesash drejtuar Ministrive të linjës për mbështetje financiare të projekteve aktuale dhe projekteve të reja;
- Sa i përket kërkesave të shumta që kanë ardhur në Drejtorinë e Shërbimeve Publike, nga 1 janari 2020 deri me 20 qershor 2020, ne DSHP janë adresuar 203 kërkesa të ndryshme që kanë të bëjnë me; qështje publike komunale, objektet e përkohshme dhe shfrytëzim i hapësirës publike si dhe kërkesa tjera nga qytetarët. Prej gjithsej 203 kërkesave 146 janë miratuar, 18 janë refuzuar, 34 janë në proces si dhe 4 janë pranuar si të ceduara nga drejtoritë.

PËRFUNDIM

Ky raport përmbledhës paraqet thekset kryesore të aktiviteteve që kanë ndodhur gjatë kësaj periudhe raportuese.

Raporti i punës për gjashtëmuajorin e parë të vitit 2020, është dëshmi e respektit ndaj Ligjit mbi Vetëqeverisjen Lokale, në frymën e transparencës, llogaridhënies dhe performances sa më të mirë komunale dhe i dedikohet të zgjedhurve nga qytetarët, monitoruesve dhe publikut të gjerë.

Mirëpresim kontributin e secilit që përmes vërejtjeve, këshillave, plotësimeve apo të dobësive eventuale, që t'i bëjmë bashkërisht përmirësimet e nevojshme, në mënyrë që në të ardhmen ta bëjmë sa më mirë punën tonë.

Jemi të vetëdijshëm për synimet që i kemi vënë vetes, dhe qytetarët e Komunës së Rahovecit presin me të drejtë nga ne. Kur kemi shpalosur programin tonë qeverisës dhe vizionin tonë për Rahovecin, në fillim na është thënë se është ambicioz dhe vështirë i arritshëm, por për më shumë se dy vite qeverisje të gjithë së bashku jemi dëshmitarë se vizioni ynë për Rahovecin po jetësohet.

Bashkërisht me ekipin tim qeverisës, kemi gatishmërinë, energjinë dhe diturinë, të gjitha këto të vëna në dispozicion të qytetarëve, që Komuna e Rahovecit të ofrojë shërbime sa më cilësore.

Të vendosur për menaxhim të mirë të pronës publike, duke krijuar kushte më të mira për: zhvillim ekonomik, arsim, shëndetësi, bujqësi, infrastrukturë, do të angazhohemi edhe më tutje të punojmë në të mirën e të gjithëve pa dallim.

Ju faleminderit!

Rahovec, 23 qershor 2020

Drejtoria për Shërbime Publike

